



UPA 2020/36  
20/5-2020  
Justus Hansen

**Nunatsinni illorsornissamut politikkimut, naalagaaffiup isumannaatsuunissaanut politikkimut, nunanullu allanut politikkimut qanoq ililluta oqartussaaqataanerunissarpus anguniarsinnaanerippus pillugu apeqquteqaat aallaavigalugu oqallinnissamik siunnersuut.**

(Demokraatit Inatsisartuni gruppiat)

Uagut kalaaliusugut pisutigut tamatigut uagutsinnut tunngasoqartillugu politikkikkut namminersulernissaq Demokraatit anguniagarivaat.

Naalakkersuisut nikerartut ukiorpassuarni naalagaaffeqatigiinnerup iluani sillimaniarnermut, illorsornissamut, nunallu allat pilligit politikkikkut oqartussaanerorusullutik kissaatigalugu oqaatigisarsimavaat.

Ataatsikkullu statsministerit nikerartut ukiorpasuarni oqaatigisarsimavaat naalagaaffeqatigiinnermi nunagut pingasuuusut naligiittut. Taamatulli oqariartuuteqarneq ilumoortortaqarpa?

Demokraatit isumaqarput Danmarkip Kalaallit Nunaatalu akornanni naligiinneq ataqqillugu, naligiinnerunissamut ataqeqatigiinnerunissamullu siuarsaneq statsministerinit iluuseqarnissamut oqariartuuteqartarnermit ingerlariaqqissimanngitsoq. Tamanna Inatsisartuni ilaasortat naalagaaffeqatigiit nunani soqtigisaqarfíni angalanerminni paasisaannarpaat.

Siusinnerusukkut naalakkersuisunit nikerartunit Kalaallit Nunatsinni, Kalaallit nunaannut tunngasuni aalajangersakkani kingullersaalluta paasitinneqartarsimavugut. Arlaleriarluni aaliangiisimanerup kingorna akunnerit amerlasuut qaangiutereernerani ilisimatsisoqartarpooq. Illeqqoq taanna arriitsunnguamik allangoriartorsimavoq uagut Nananut Allanut Sillimaniarnermullu Ataatsimiititaliatta Folketing-imilu assigisaannik ataatsimiititaliaata ilaatigut ataatsikkut ataatsimiisittalernerisigut.

Ukiut tamaasa Naalakkersuisut nunatta Nananut Allanut tunngasutigut naalakkersuinikkut ingerlatsineq pillugu nassuaatissaa saqqummiuttarpaat. Tassunga atatillugu aperisariaqarpugut sillimaniarnermut, illorsornissamut, nunallu allat pilligit pisunut tamanut politikkip tungaatigut ilumut isummersinnaatitaasugut? Aamma aperisariaqarpugut Nananut Allanut tunngasutigut naalakkersuinikkut ingerlatsineq pillugu nassuaatip pissutsit tamaasa sammisarnerai? Demokraatit isumaqarput taamaattoqanngitsoq.

Kalaallit nunaata politikkikkut sunniuteqarnerunissamut kissaatigisani angussaguniuk, sammisanut pineqartunut pingasuuusunut tamakkiisumik isummertariaqassaaq. Apeqqutit isummerfigisassat ilaat uku akinerqartariaqarput: Sumut killippugut? Kalaallit Nunaat sammisani taakkunanni sumut ingerlarusuppa?



Kiap sammisat taakkua akisussaaffigai? Kiap sammisat taakkua ataasiakkaat akisussaaffigissavai? Sammisani taakkunani Kalaallit Nunaat qanoq ittunik anguniagaqassa? Annertunerusumik anguniaqarniaraanni alloriarnerit suut pisariaqarpat?

Inatsisartut Naalakkersuisullu sillimaniarnermut, illorsornissamut, nunallu allat pillugit politikkip tungaatigut politikkikku isummertariaqarput, nammineq aalajangiisarnissaq piumaneqarpat.

Apeqqutit qulaaniittut allarpasuillu akinissaat, pingarnersiorissaallu pisariaqarput. Demokraatit isumaqarput nunatut nammineq aalajagiisinhaassuseqartuuniarutta, sammisat uku pingaaruteqartut pingasuuusut tungaatigut politikkikku anguniaqarniarluta aammalu pilersaarasiaqarniarluta Kalaallit nunaanni ilungersornerusariaqartugut.

Minnerunngitsumik kalaallit partiivi ilungersornerusariaqarput, isumaqtigillutillu ataatsimillu nipeqarlutik sammisani pingasuuusuni nammineq aalajagiisinhaassuseqarusullutik piumasaqartariaqarput. Aamma nunatta Danmark-illu suleqatigiinnerat ingerlaannassagaluarpat.

USA nunatsinnik qaninnerusumik suleqateqarnissamut soqutiginnippoq, Danmarkilu Naalagaaffeqatigiinnerup iluani qaninnerusumik suleqateqarnissamut aammattaaq kissaateqarluni. Illuatungaanilu naalagaaffissuit Kina Rusland-ilu aamma Issittumi oqartussaaqataarusupput. EU eqqaanngilara massakkumut suleqatigiinnissamik isumaqtiqiissuteqarfingarput aamma issittumi peqataanissartik soqutigisaraat annertusassallugu.

Demokraatit nalorninngillat. Immitsinnut siullinngortittariaqarpugut. Kalaallit sillimaniarnermut, illorsornissamut, nunanullu allanut politikkip tungaatigut soqutigisai Issittumi politikkikku siulliunneqarnissaat piumasaraarput.

USA-mit soqutiginninneq tikilluaququarput. Demokraatinilu isumaqarluinnarpugullu Issittumi politikkikku suleqatigiinnermi USA Danmarki-lu ataatsikkut suleqatigisinhaallutigit. Suleqateqarnermilu uagut piumasagut uagullu soqutiggisagut saliutissalugit sulineq ingerlattariaqarpoq.

Ilulissani Issittumi periusissiassaq pillugu ataatsmiinnissaraluaq Corona peqqutigalugu kinguartinneqarsimavoq, matumuunali apeqquteqaat aallaavigalugu oqallinnissamik siunnersuutip saqqummiunneratigut Kalaallit Nunaannut siullinngortitsisumik isumaliutigisassat kingusinnerusukkullu periusissamik inerneqartussanut Inatsisartut eqqartuinissaanut periarfissippagut. Uagummi tassaavugut ulluinnarni tamaani najugaqartuuusugut aammalu assersuutigalugu silap pissusiata allanngoriartornerata kingunerinik siulliulluta eqqugaasartut.

Taamatut oqallinnissamut oqaaseqarluta neriuuprugut oqallinneq ataqqeitatigiinnermik aallaaveqartoq tamatta pissarsiffigilluassagipput.